

西南史地文獻

第九卷

中國西南文獻叢書·二編

中國西南文獻叢書編輯委員會

中國西南文獻叢書二編·第三輯

西南史地文獻

第九卷

甘肅省古籍文獻整理編譯中心
中國西南文獻叢書編輯委員會 編

本輯主編：周
斌

本卷目錄

平定貴州苗匪紀略 二
〔清〕劉長佑 岑毓英纂
……………
〇〇三

本卷目錄

平定貴州苗匪紀略 二
〔清〕劉長佑 岑毓英纂
……………
〇〇三

【清】劉長佑 岑毓英纂

平定貴州苗匪紀略

二

〔清〕劉長佑、岑毓英纂，清光緒二十二年內府鉛印本，半葉七行，行二十字，四周雙邊。

劉長佑（公元一八一八至一八八七年）字子默，湖南新寧人，道光二十九年（公元一八四九年）拔貢，有《劉武慎公遺書》行世。岑毓英（公元一八二九至一八八九）字顏卿，廣西西林人，秀才出身，有《岑襄勤公遺集》傳世。

此書係詳細記載清咸豐（公元一八五一至一八六一年）年間鎮壓貴州苗民起義的官撰史書。

欽定平定貴州苗匪紀略卷十二 癸亥年

四月十二日 戊子 毛鴻賓奏言黔省苗教各匪自

楚師越境進剿大股退伏老巢惟以零股到處

滋擾現在周洪印等軍回剿楚境之匪難保黔

賊不乘虛下竄 臣 飭晃州廳嚴督團練分堵邊

隘並飭副將滕加洪吳自發周密設防連日據

靖州稟報黔省清江苗匪糾合教匪陷襲古州

城池攻陷下江分股一由六洞竄至頓洞距永
從縣僅十里一由岔河分擾平茶以拒楚師勢
將圍攻黎平郡城從前投誠教匪余老科唐一
輔等皆陰附於賊益以遊勇痞棍數萬人黎平
勢甚危急臣已飭周洪印等酌度事勢如果靖
州喫緊卽以戈鑑一軍先行馳往堵剿俟楚境
土匪蕩平再視黔省之緩急相機援應奏入

上命議政王軍機大臣傳諭毛鴻賓張亮基曰黔省清
江苗匪糾合教匪襲陷古州城池並分股竄近永從
縣復分擾平茶以拒楚師勢將圍攻黎平郡城從前
投誠積匪余老科唐一輔等陰附賊匪益以遊勇痞
棍近數萬人黎平勢甚危急毛鴻賓擬飭戈鑑一軍
酌察事勢先往靖州邊界堵剿著卽相機辦理並俟
本境土匪肅清卽飭防界各軍赴黔援剿清江苗教

各匪勢成燎原迤東各處亦徧地糜爛非痛加勦洗
不足以戢兇頑而靖地方張亮基務當籌撥兵勇迅
速赴援黎平會同楚軍合力夾擊以期埽蕩逆氛毋
得因循貽誤

二十三日

辛丑

張亮基奏言遵義縣屬螺螄堰地

方自被黃號苗教各匪竄踞後添築木城負隅
自固臣以該處地當衝要乃黔省餉道所關當

飭道員陸傳曜 馳往會同總兵沈宏富等移
營進剿自二月二十六至二十九等日疊次出
隊陣斬賊目甚夥奪獲旗械無數三十日夜三
更後都司張開友等由石板場抄賊後路另以
兩軍設伏沙包寺三岔河等處李得貴鄧光亮
沈宏富督兵分路並進逼近賊營賊卽施放槍
礮拚死抗拒我軍奮勇進攻立破該匪先鋒各

營其時老巢之賊不敢出援其餘各營之賊紛紛狂奔大半爲伏兵所殺黎明卽將週圍賊壘悉數剗平敗匪退入老巢我軍奮力環攻勇氣百倍張開友等亦由後路繼進乘其驚亂之際各用竹梯爬入木城當將螺螄堰克復共破賊營三十六座斃匪三千餘名招安壘寨居民四十七處餘匪敗歸上稽場該處係湄潭甕安兩

屬各匪出沒之地沈宏富等移師追剿該匪傾
巢出拒我軍分投掩殺斃匪復以千計當將上
稽場一併收復遵義南境肅清臣查該逆恃險
負嵎爲時已久該文武等晝夜殫力一鼓而下
使餉道不致阻絕省垣亦免震驚不無微勞足
錄除總兵沈宏富等現派往鼎山等處剿賊應
俟事竣彙案請獎所有尤爲出力之副將曾紀

純等懇

恩優予獎敘陣亡各員請

旨飭部照例從優議卹奏入

上諭內閣曰貴州黃號苗教各匪盤踞螺螄堰上稽場
地方經總兵沈宏富等移營近逼將螺螄堰上稽場
一併收復遵義南境肅清仍著張亮基督飭帶兵各
員乘勝次第勦辦毋留餘孽此次尤爲出力之副將

會紀純曹星柏吳得勝均著賞加總兵銜都司張開
友鄧光亮均著賞加副將銜胡得勝著賞加遊擊銜
守備李得貴著以都司用張定超解占標邱崙山宋
金銘文成貴潘體仁外委石得勝均著賞加都司銜
候選道謝德明著不論雙單月遇缺卽選知府張日
崙著俟補缺後以道員用陝西候補知縣白振采著
免補本班以同知直隸州知州籤掣省分遇缺卽補